

Na osnovu člana 30. stav (3) Zakona o graničnoj kontroli ("Službeni glasnik BiH", br. 53/09, 54/10 i 47/14) i člana 15. stav (2) tačka a) Zakona o Graničnoj policiji Bosne i Hercegovine ("Službeni glasnik BiH", br. 50/04, 27/07 i 59/09), direktor Granične policije Bosne i Hercegovine donosi

**PRAVILNIK  
O IZMJENAMA I DOPUNAMA PRAVILNIKA O NAČINU  
OBAVLJANJA GRANIČNIH PROVJERA I UNOSA  
PODATAKA U PUTNE ISPRAVE**

Član 1.

U Pravilniku o načinu obavljanja graničnih provjera i unosa podataka u putne isprave ("Službeni glasnik BiH", broj 103/14) u članu 10. stav (3) briše se. Dosadašnji stav (4) postaje stav (3).

Član 2.

Dosadašnji član 31. mijenja se i glasi:

Član 31.

(Granične provjere pripadnika vojnih snaga država članica Sjevernoatlantskog ugovora i ostalih država koje učestvuju u Partnerstvu za mir i pripadnika Štaba NATO-a i EUFOR-a u Bosni i Hercegovini)

- (1) Na zahtjev policijskog službenika, prilikom graničnih provjera pripadnici vojnih snaga država članica Sjevernoatlantskog ugovora i ostalih država koje učestvuju u Partnerstvu za mir (PfP SOFA) dužni su pokazati iskaznicu s fotografijom koju je izdala država koja šalje snage i pojedinačnu ili grupnu naredbu za kretanje pojedinaca ili grupe (Travel Order).
- (2) Na zahtjev policijskog službenika, prilikom graničnih provjera pripadnici Štaba NATO-a i EUFOR-a u BiH, čiji mandat proističe iz Dodatka B Aneksu I-A Sporazuma između Republike BiH i Organizacije Sjevernoatlantskog pakta (NATO) o statusu NATO-a i njegovog osoblja (GFAP SOFA), koji je sastavni dio Općeg okvirnog sporazuma za mir u Bosni i Hercegovini, dužni su pokazati identifikacionu karticu s fotografijom koju je izdao NATO ili EUFOR, ili naredbu za kretanje koju je izdala država koja ih šalje ukoliko dolaze prvi put u BiH.
- (3) Osobe iz stava (1) i (2) ovog člana ne podliježu pasoškom i viznom režimu, imigracionoj kontroli i evidentiranju prilikom prelaska državne granice BiH.
- (4) Sva vozila koja koristi osoblje Štaba NATO-a i EUFOR-a u Bosni i Hercegovini iz stava (2) ovog člana, osim vozila javnog prijevoza, izuzeta su od graničnih provjera u smislu obaveze licenciranja, registracije i osiguranja u Bosni i Hercegovini.
- (5) Kada prilikom obavljanja graničnih provjera osoba iz stava (1) i (2) ovog člana ne posjeduje ili odbije da pokaže dokumente potrebne za prelazak državne granice, odnosno kada se ne može utvrditi da je riječ o takvoj osobi, o navedenom će bez odgađanja biti obaviješten Operativni centar GPBiH koji će kontaktirati pretpostavljenu komandu.
- (6) Osoba iz stava (5) ovog člana bit će zadržana do dobijanja povratne informacije od Operativnog centra GPBiH ukoliko ne posjeduje drugi dokument na osnovu kojeg može prijeći državnu granicu, nakon čega će biti obavljene redovne granične provjere.
- (7) Policijski službenik sačinit će službenu zabilješku u slučaju postupanja u skladu sa odredbama stava (5) i (6) ovog člana.

Član 3.

Iza člana 46. Pravilnika dodaje se novi član 46a. koji glasi:

Član 46a.

(Izgled pločice za otisak štambilja za ovjeru prelaska državne granice na privremenim graničnim prijelazima)

- (1) Pločica za otisak štambilja je izrađena od lako obradive legure, pravouglog je oblika, dimenzije 43 mm x 30 mm, obrubljena crtom, te sadrži tekst na latinici i ćirilici: "BiH, broj štambilja, PRIVREMENI GRANIČNI PRELAZ, datum ulaska u BiH i izlaska iz BiH, kontrolni broj, strelicu za ulazak u BiH, odnosno za izlazak iz BiH". Pločica za otisak štambilja koja se koristi za otiskivanje na izlazu iz BiH, uz karakteristike iz stava (1) ovog člana, ima zaobljene uglove.
- (2) Za otisak štambilja iz stava (1) ovog člana koristi se crna tinta.
- (3) Izgled i sadržaj otiska štambilja iz ovog člana dati su u prilogu 4a ovog pravilnika i čini njegov sastavni dio.

Član 4.

U članu 50. stav (2) riječ "boja" zamjenjuje se riječju "tinta".

Član 5.

U članu 51. stav (1) riječ "zakonom" zamjenjuje se riječima "Zakonom o strancima".

Član 6.

U članu 52. stav (2) riječ "boja" zamjenjuje se riječju "tinta".

Član 7.

Član 53. mijenja se i glasi:

Član 53.

(Unos štambilja o ukidanju vize)

- (1) Kada policijski službenik koji obavlja granične provjere na graničnom prijelazu utvrdi da postoje zakonom propisani razlozi za ukidanje vize BiH, vizu će ukinuti unošenjem otiska štambilja UKINUTO preko vize.
- (2) Policijski službenik postupak ukidanja vize BiH provodi na način propisan Zakonom o strancima i podzakonskim propisom iz člana 40. stav (6).

Član 8.

Član 54. mijenja se i glasi:

Član 54.

(Izgled štambilja o ukidanju vize)

- (1) Štambilj o ukidanju vize izrađen je od gume, pravouglog je oblika, dimenzije 30 mm x 15 mm, obrubljen crtom, te sadrži tekst na latinici i ćirilici: UKINUTO.
- (2) Za otisak štambilja iz stava (1) ovog člana koristi se plava tinta.
- (3) Izgled i sadržaj otiska štambilja iz ovog člana dat je u prilogu 8 ovog pravilnika i čini njegov sastavni dio.

Član 9.


Pravilnik o izmjenama i dopunama Pravilnika o načinu obavljanja graničnih provjera i unosa podataka u putne isprave stupa na snagu danom objavljivanja u "Službenom glasniku BiH".

Broj 17-05-2-02-3-753-23/16  
21. oktobra 2016. godine  
Sarajevo

Direktor  
Glavni generalni inspektor  
**Zoran Galić**, s. r.

**Prilog 4a:** Izgled i sadržaj otiska štambilja za ovjeru prelaska državne granice na privremenom graničnom prelazu

Izgled i sadržaj otiska štambilja za ovjeru prelaska državne granice na privremenom graničnom prelazu;



**Prilog 8:** Izgled otiska štampilja o ukidanju vize

